

AKHBAR : HARIAN METRO**MUKA SURAT : 8****RUANGAN : LOKAL**

Air terawat patuhi piawaian KKM

Kuala Lumpur: Air terawat yang kembali dibekalkan di semua 204 kawasan terjejas susulan henti tugas Loji Rawatan Air (LRA) Sungai Semenyih kelmarin mematuhi sepenuhnya piawaian kualiti air ditetapkan Kementerian Kesihatan Malaysia (KKM).

Ketua Jabatan Perhubungan Pelanggan dan Komunikasi Pengurusan Air Selangor Sdn Bhd (Air Selangor), Abdul Raof Ahmad berkata, beliau mengambil maklum aduan sebahagian pengguna berhubung kualiti air yang dibekalkan se-

jurus LRA terbabit kembali beroperasi awal pagi semalam.

"Hasil siasatan dan periksaan di 120 premis pengadu sehingga jam 12 tengah hari ini (semalam), disahkan air terawat yang dibekalkan Air Selangor memenuhi piawaian kualiti air ditetapkan KKM," katanya.

Dalam perkembangan berkaitan, beliau juga memaklumkan bekalan air di empat wilayah yang terjejas membabitkan 372,031 akaun ekoran henti tugas LRA itu juga kini pulih se-

penuhnya.

"Berdasarkan pemantauan paras kolam perkhidmatan dan bacaan tekanan di sistem agihan sehingga jam 12 tengah hari tadi (semalam), bekalan air di semua empat wilayah yang terjejas sudah pulih.

"Malah bekalan air di Hulu Langat sudah pulih sepenuhnya seawal jam 6 pagi tadi sementara tiga wilayah lagi iaitu Petaling, Kuala Langat dan Sepang masing-masing sudah pun mencapai kemajuan pemulihian sehingga 99, 98 dan 98 peratus waktu sama.

"Terima kasih kepada semua pihak terutama pelanggan atas kerjasama sepanjang tempoh gangguan dan pemulihian bekalan ini. Kami juga mohon maaf atas segala kesulitan," katanya dalam kenyataan.

LRA Sungai Semenyih kelmarin terpaksa dihentikan tugas selepas berlakunya insiden pencemaran bau di sumber air mentah Sungai Semenyih.

Untuk maklumat lanjut, muat turun aplikasi telefon bimbit Air Selangor atau hubungi Air Selangor di talian 15300.

AKHBAR : HARIAN METRO

MUKA SURAT : 28

RUANGAN : TENGAH

Elak beli empat kosmetik beracun

Putrajaya: Orang ramai dinasihat menghentikan penggunaan dan pembelian empat produk kosmetik selepas dikesan mengandungi racun berjadual.

Ketua Pengarah Kesihatan, Datuk Dr Noor Hisham Abdullah berkata, empat produk berkenaan termasuk Dnars Gold Glowing Serum (Day), Dnars Gold Balen Cream (Night), Tresors Natural Herba Cream dan Labeauty Booster Night Cream.

Beliau berkata, Bahagian Regulatori Farmasi Negara (NPRA), Kementerian Kesihatan menggesa orang awam untuk mengelak daripada membeli dan menggunakan produk kosmetik berkenaan.

"Notifikasi produk kosmetik itu dibatalkan oleh Pengarah Kanan Perkhidmatan Farmasi berikutan pengesanan bahan racun berjadual di dalam produk berkenaan. Oleh itu, produk kosmetik itu tidak lagi dibenarkan untuk dijual di Malaysia.

"Produk yang mengandungi *triamcinolone acetonide*, *betamethasone valerate*, *hydroquinone*, *chloramphenicol*, *sulfamethoxazole*, *trimethoprim*, dan *ketoconazole* adalah ubat yang perlu berdaftar dengan Pihak Berkuasa Kawalan Dadah dan hanya boleh digunakan dengan nasihat profesional kesihatan.

"Penggunaan produk yang mengandungi bahan-bahan itu tanpa pengawasan profesional kesihatan dan secara tidak terkawal boleh menyebabkan kesan-kesan sampingan yang tidak diingini," katanya dalam kenyataan, semalam.

Katanya, *triamcinolone acetonide* dan *betamethasone valerate* boleh menyebabkan bahagian kulit muka yang disapu menjadi nipis dan mudah mengalami iritasi, berjerawat, perubahan pada pigmentasi kulit dan meningkatkan risiko untuk diserap ke dalam sistem peredaran darah yang boleh membawa kesan mudarat.

Dr Noor Hisham berkata, *hydroquinone* pula boleh menyebabkan kemerahan pada kulit yang disapu, ketidakselesaan, perubahan warna kulit yang tidak diingini, kulit menjadi hypersensitif, boleh menghalang proses pigmentasi (depigmentasi) yang mengurangkan perlindungan kulit daripada pancaran sinar UV berbahaya dan boleh meningkatkan risiko kanser kulit.

"Manakala antibiotik (*chloramphenicol*, *sulfamethoxazole*, *trimethoprim*) dan antifungal (*ketoconazole*) yang digunakan secara tidak terkawal juga boleh me-

ningkatkan risiko kerintangan dan seterusnya mengurangkan keberkesanannya untuk merawat jangkitan pada masa hadapan," katanya.



DR Noor Hisham

AKHBAR : HARIAN METRO**MUKA SURAT : 29****RUANGAN : TENGAH**

DR Siti Mariah (tengah) bersama Khalid (kiri) menyerahkan larangan merokok kepada peniaga di gerai makan di Seksyen 7.

Periksa 25,000 premis makanan

Shah Alam: Jabatan Kesihatan Negeri Selangor melaksanakan penguatkuasaan pendidikan ke atas 25,000 premis makanan dan restoran yang diwartakan sebagai kawasan larangan merokok di Selangor setakat ini.

Pengarah Kesihatan Negeri, Datuk Dr Khalid Ibrahim berkata, pihaknya menyasarkan sebanyak 40,000 premis makanan diperiksa menjelang tempoh akhir penguatkuasaan pendidikan pada Disember tahun ini.

Menurutnya, daripada jumlah itu sebanyak 4,300 premis tidak memaparkan notis larangan merokok manakala 4,100 lagi yang diperiksa menemui kesan seperti abu serta puntung rokok yang ditinggalkan di atas lantai.

"Aktiviti penguatkuasaan pendidikan juga merangkumi peringatan kepada pemilik premis mengenai tanggungjawab mereka meletakkan tanda larangan merokok dan memastikan

tiada orang merokok sebagaimana Peraturan 12, Peraturan-Peraturan Kawalan Hasil Tembakau 2004.

"Bermula 1 Januari 2020, jika perokok ditahan mereka boleh didenda RM10,000 atau penjara dua tahun manakala restoran yang tidak meletakkan notis amaran juga boleh dikenakan denda RM3,000 atau penjara enam bulan.

"Selain itu, jika penguatkuasaan mendapati pelanggan merokok di restoran mereka, pemilik restoran juga boleh didenda RM5,000 dan penjara setahun jika sabit kesalahan," katanya.

Beliau ditemui pemberita selepas menjalankan aktiviti penguatkuasaan pendidikan kawasan larangan merokok di sekitar premis makanan dan restoran di Seksyen 7 di sini, semalam.

Turut hadir, Pengurus Jawatankuasa Tetap Kesihatan, Kebajikan, Pemberdayaan Wanita dan Keluarga Negeri Selangor, Dr Siti Mariah Mahmud.

AKHBAR : KOSMO
MUKA SURAT : 4
RUANGAN : NEGARA

Tiada caj tetap pemeriksaan e-hailing

GOPENG - Kementerian Kesihatan tidak menetapkan kadar caj pemeriksaan kesihatan kepada pemandu perkhidmatan 'e-hailing' yang membaharui lesen Kenderaan Pengangkutan Awam (PSV).

Timbalan Menterinya, Dr. Lee Boon Chye berkata, sebaliknya pihak kementerian hanya mengambil kira ujian saringan pemeriksaan mengikut spesifikasi yang telah ditetapkan.

"Ujian pemeriksaan kesihatan perlu dilakukan mengikut cara yang betul dan lengkap ke atas pemandu e-hailing dengan tahap yang memuaskan.

"Dari segi caj (perkhidmatan) itu, biarlah pasaran (perubatan) yang membuat keputusan," katanya selepas

Sambutan Hari Keselamatan dan Kesihatan Pekerjaan Sedunia di sini semalam.

Boon Chye mengulas keadaan Persatuan Perubatan Malaysia (MMA) yang mahu kementerian itu menyiasat dakwaan sekiranya terdapat doktor yang menyediakan pemeriksaan kesihatan untuk pemandu e-hailing pada kadar hanya RM20.

Presidennya, Dr. N. Ganabaskaran berkata, adalah mustahil bagi pengamal perubatan untuk menjalankan pemeriksaan kesihatan yang betul mengikut kos sedemikian.

Terdahulu, Boon Chye memberitahu, sehingga Jun tahun ini, sebanyak 5,031 kes kemalangan pekerjaan dilaporkan JKPP.

- Bernama

AKHBAR : KOSMO

MUKA SURAT : 10

RUANGAN : ANALISIS KOSMO

Rakyat Malaysia tak sedar hidap penyakit

BILAKAH kali terakhir anda menjalani pemeriksaan kesihatan? Jika sudah lama tidak berbuat demikian dan berasa bebas daripada sebarang penyakit, anda sepatutnya berfikir dua kali mengenainya. Ini kerana, Kementerian Kesihatan baru-baru ini mendedahkan separuh daripada penghidap penyakit tidak berjangkit (NCD) iaitu kencing manis atau diabetes dan tekanan darah tinggi atau hipertensi di negara ini adalah tidak didiagnosis.

Dalam erti kata lain, 50 peratus pesakit tidak sedar mereka menghidap penyakit tersebut dan tidak menerima sebarang rawatan selain meneruskan gaya hidup tidak sihat sehingga ia digelar sebagai penyakit pembunuh dalam senyap.

Menurut data Tinjauan Kesihatan dan Morbiditi Kebangsaan 2015, seorang daripada dua rakyat Malaysia mengalami masalah kegemukan, satu daripada tiga orang adalah penghidap hipertensi dan seorang daripada lima orang adalah penghidap diabetes.

Hal itu secara tidak langsung menjerumus kepada komplikasi lain seperti penyakit buah pinggang, buta, gangren pada kaki dan tangan, bahkan meningkatkan risiko penyakit jantung.

Mengikut rekod, seramai 37 orang daripada kita mati setiap hari akibat serangan jantung pada 2017 seperti yang dilaporkan Jabatan Statistik Malaysia.

Selain faktor keturunan, penyakit diabetes atau sering digelar sebagai penyakit ‘potong kaki’ adalah disebabkan oleh masalah berat badan berlebihan, gaya hidup tidak aktif, pengambilan makanan tinggi lemak dan kurang serat serta akibat peningkatan umur.

Penyakit hipertensi pula sering dikaitkan dengan faktor merokok, berat badan berlebihan, kurang aktiviti fizikal, pengambilan garam berlebihan dan tekanan perasaan.

Menurut Menteri Kesihatan, Datuk Seri Dr. Dzulkefly Ahmad, penyakit NCD di negara ini membimbangkan berdasarkan statistik Tinjauan Kesihatan dan Morbiditi Kebangsaan yang dijalankan kementeriannya pada setiap lima tahun.

“Peratusan dewasa yang menghidap diabetes meningkat daripada 8.8 peratus pada 1996 kepada 17.5 peratus pada 2015. Peratusan hipertensi pula kekal sekitar 30 peratus.

“Merokok dan obesiti meru-



Menjengah Mindu
Bersama SYALMIZI HAMID

50 peratus pesakit tidak sedar hidap diabetes, hipertensi

pakan faktor utama bagi kedua-dua penyakit ini,” katanya.

Beliau berkata, punca kematiian rakyat negara ini sebelum tempoh pramatang (purata 75 tahun) juga adalah disebabkan oleh NCD.

Sementara itu, Pakar Endokrin dan Perubatan, Hospital Pantai Sungai Petani, Dr. Shalini Sree Dharan berkata, situasi pesakit tidak menyedari dirinya menghidap penyakit berkenaan disebabkan kebanyakan mereka tidak mempunyai tanda dan gejala kedua-dua penyakit itu.

“Ia kerana teknanan darah tinggi dan paras gula dalam darah yang tinggi tidak menyakitkan selain tidak selalu memberi rasa tidak selesa kepada badan sehingga mencapai paras yang (lebih) tinggi dan berbahaya.

“Ini amat merisaukan kerana serangan sakit jantung atau strok mungkin gejala pertama kedua-dua penyakit ini,” kataanya kepada Kosmo.

Bagaimanapun, beliau berkata, sekiranya seseorang itu menghidap penyakit tersebut, terdapat beberapa simptom

yang perlu diberi perhatian.

“Bagi pesakit diabetes, antara gejala termasuklah kerap kencing selalu berasa dahaga dan lapar, sering letih, kehilangan berat badan serta keinginan kepada makanan dan minuman manis. Selain itu, gejala pesakit hipertensi adalah seperti sakit kepala, sakit pada belakang kepala dan leher, pening, penglihatan kabur serta berasa sakit atau ketat pada dada,” katanya.

Beliau menambah, jika mengalami simptom terbatit atau sesiapa yang mahu melakukan pemeriksaan sendiri, mereka boleh membeli dan menggunakan alatan glukometer dengan melakukan ujian cucuk jari bagi mengesan diabetes serta alat pemantau BP (tekanan darah) elektronik bagi memeriksa tekanan darah.

Dalam pada itu, Shalini berkata, seseorang yang menghidap penyakit berkenaan masih berpeluang untuk kembali bebas sekiranya dikesan lebih awal dengan pengambilan ubatan secara teratur dan mengamalkan intervensi gaya hidup.

“Antara yang perlu dilakukan adalah bersenam serta mengawal diet seperti mengambil makanan rendah gula, rendah karbohidrat dan rendah garam serta mengurangkan berat badan sekurang-kurangnya lima peratus.

“Ubat-ubatan perlu diamalkan secara teratur manakala pemeriksaan berkala perlu dibuat oleh doktor,” katanya.

AKHBAR : KOSMO
MUKA SURAT : 16
RUANGAN : NEGARA

4,332 notis dikeluarkan kepada perokok, pemilik premis



SITI MARIAH (dua dari kanan) menyerahkan poster 'Dilarang Merokok' kepada pekerja restoran sempena pewartaan tempat makan sebagai kawasan larangan merokok di Pusat Komersial Seksyen 7, Shah Alam semalam.

SHAH ALAM – Sebanyak 4,332 notis dikeluarkan terhadap pemilik premis makanan dan perokok sepanjang tempoh penguatkuasaan pendidikan bagi larangan merokok di premis makanan yang berkuat kuasa sejak awal Januari tahun ini.

Pengarah Jabatan Kesihatan Selangor, Datuk Dr Khalid Ibrahim berkata, daripada jumlah itu, 232 notis dikeluarkan terhadap perokok kerana merokok di premis makanan, manakala 4,100 notis lagi kepada pemilik premis kerana terdapat kesan rokok seperti puntung rokok dan abu rokok di premis mereka.

"Kesemua ini bagaimanapun tidak melibatkan kompaun kerana kita masih di dalam tempoh

penguatkuasaan pendidikan.

"Bermula 1 Januari 2020, jika perokok ditahan mereka boleh didenda sehingga RM10,000 atau penjara dua tahun, manakala premis makanan yang tidak meletakkan notis amaran dikenakan denda RM3,000 atau penjara enam bulan," katanya.

Beliau berkata demikian kepada pemberita selepas melakukan operasi larangan merokok di premis makanan di sekitar Pusat Komersial Seksyen 7 di sini semalam.

Turut hadir Pengurus Jawatankuasa Tetap Kesihatan, Kebajikan, Pemberdayaan Wanita dan Keluarga Selangor, Dr. Siti Mariah Mahmud.

Dr. Khalid menambah, lara-

ngan merokok berkenaan juga melibatkan rokok elektronik dan shisha.

"Bagi shisha walaupun bukan dijual oleh pemilik premis mereka juga boleh dikenakan tindakan sekiranya shisha ini dihisap di premis mereka," ujarnya.

Menurutnya, bagi tempoh Januari lalu hingga semalam, sebanyak 25,000 premis makanan sekitar Selangor telah diperiksa dan pihaknya menyasarkan untuk memeriksa 40,000 premis makanan lagi sebelum tahun depan.

"Sepanjang pemeriksaan ini kami juga dapat 4,300 premis masih berdegil tidak memaparkan papan tanda larangan merokok," jelasnya. - Bernama

AKHBAR : SINAR HARIAN

MUKA SURAT : 15

RUANGAN : NASIONAL

Kementerian Kesihatan tidak tetapkan caj pemeriksaan e-hailing

GOPENG - Kementerian Kesihatan tidak menetapkan kadar caj pemeriksaan kesihatan kepada pemandu perkhidmatan e-hailing yang memperbaharui lesen Kenderaan Pengangkutan Awam (PSV).

Timbalan Menterinya, Dr Lee Boon Chye berkata, sebaliknya pihak kementerian hanya mengambil kira ujian saringan pemeriksaan mengikut spesifikasi yang ditetapkan.

"Ujian pemeriksaan kesihatan perlu dilakukan mengikut cara yang betul ke atas pemandu e-hailing.

"Dari segi caj (perkhidmatan) itu, biarlah pasaran (perubatan) yang buat keputusan," katanya selepas merasmikan Sambutan Hari Keselamatan dan Kesihatan Pekerjaan Sedunia yang turut dihadiri Pengarah Jabatan Keselamatan dan Kesihatan Pekerjaan (JKKP) negeri, Zamzurin Maarof di Pusat Transformasi Luar Bandar (RTC) di sini semalam.

Dr Boon Chye mengulas ke nyataan Persatuan Perubatan Malaysia (MMA) yang mahu kementerian itu menyiasat dawaan bahawa adalah mustahil sekiranya terdapat doktor yang menyediakan pemeriksaan kesihatan untuk pemandu e-hailing pada kadar hanya RM20.

Presidennya, Dr N Ganabaskaran berkata, adalah mustahil bagi pengamal perubatan untuk menjalankan pemeriksaan kesihatan yang betul mengikut kos sedemikian.

"Kami ingin tahu apa jenis pemeriksaan perubatan yang ditawarkan pada harga yang rendah," katanya seperti dilaporkan sebuah akhbar berbahasa Inggeris baru-baru ini.

Terdahulu, Dr Boon Chye dalam ucapannya berkata, sehingga Jun tahun ini, sebanyak 5,031 kes kemalangan pekerjaan telah dilaporkan oleh JKKP dengan 486 kes adalah dari Perak.

- Bernama

AKHBAR : SINAR HARIAN
 MUKA SURAT : 32
 RUANGAN : SELANGOR/KL

231 individu dikenakan notis

Lakukan kesalahan merokok dalam premis makanan

NORAFIZA JAAFAR

SHAH ALAM

Jabatan Kesihatan Negeri Selangor telah mengeluarkan sebanyak 4,331 notis kesalahan merokok dalam premis makanan terhadap 231 individu dan 4,100 pemilik restoran di bawah Peraturan-Peraturan Kawalan Hasil Tembakau (pindaan 2018).

Pengaruhnya, Datuk Dr Khalid Ibrahim berkata, notis tanpa denda itu dikeluarkan sepanjang penguatkuasaan pendidikan

menjelang penguatkuasaan larangan tersebut pada 1 Januari depan.

Menurutnya, penguatkuasaan pendidikan itu bertujuan meningkatkan kesedaran berhubung pewartaan 23 zon larangan merokok termasuk tempat makan awam melibatkan kawasan berhawa dingin dan terbuka.

"Selepas 1 Januari, individu yang dikesan melakukan kesalahan mengikut Peraturan 11, Peraturan-Peraturan Kawalan Hasil Tembakau Pindaan 2018 boleh didenda sehingga RM10,000 atau penjara tidak melebihi dua tahun.

"Bagi pemilik premis makanan juga boleh didenda mengikut Peraturan 13 sehingga RM5,000 atau penjara tidak melebihi setahun sekiranya didapati ada pelanggan merokok dalam kawasan premis," katanya.



Dr Khalid (dua dari kiri) dan Dr Siti Mariah menyerahkan notis larangan merokok kepada kakitangan premis makanan di Seksyen 7, Shah Alam semalam.

Beliau berkata demikian pada sesi Walkabout Premis Makanan Sebagai Kawasan Larangan Merokok bersama Exco Kesihatan, Kebajikan, Pemberdayaan Wanita dan Keluarga Negeri Selan-

gor, Dr Siti Mariah Mahmud di Pusat Komersial Seksyen 7 di sini semalam.

Sementara itu katanya, pemilik, pengusaha atau tuan punya premis yang gagal memperkenalkan tanda larangan merokok yang jelas boleh dikenakan tindakan denda tidak melebihi RM3,000 atau penjara tidak melebihi enam bulan mengikut Peraturan 12.

"Setakat ini, sebanyak 25,000 premis telah dilawati dalam Selangor dan 4,300 daripadanya juga turut dikesan gagal memperkenalkan tanda larangan merokok.

"Larangan tersebut juga melibatkan rokok elektrik dan shisha asalkan mengeluarkan asap serta wap. Ia selaras dengan hasrat kerajaan untuk memastikan kawasan awam bebas daripada asap rokok," katanya.

AKHBAR : SINAR HARIAN

MUKA SURAT : 34

RUANGAN : KEDAH /P.PINANG/PERLIS

Ambulans KKM diselenggara dengan baik



Boon Chye (tengah) menyempurnakan gimik perasmian Sambutan Hari Keselamatan dan Kesihatan Pekerjaan Sedunia peringkat Jabatan Kesihatan Negeri Perak di RTC Gopeng semalam.

GOPENG - Semua kenderaan Kementerian Kesihatan (KKM) terutama ambulans mempunyai rekod penyelenggaraan yang baik.

Timbalan Menteri Kesihatan, Dr Lee Boon Chye berkata, berdasarkan rekod, syarikat konsensi yang dilantik mematuhi peraturan ditetapkan dengan melakukan penyelenggaraan secara berkala setiap tiga bulan.

"Mereka menepati apa yang ditetapkan," katanya selepas merasmikan Sambutan Hari Keselamatan dan Kesihatan Pekerjaan Sedunia peringkat Jabatan Kesihatan Negeri Perak di

Pusat Transformasi Luar Bandar (RTC) Gopeng di sini semalam.

Beliau berkata, bagi kes kenderaan lama, penilaian akan dibuat Bahagian Perkhidmatan Kejuruteraan kementerian sama ada masih perlu diselenggara atau dilupuskan.

"Sekiranya kenderaan itu sudah terlalu lama dan tidak boleh dibaiki, maka ia akan dilupuskan namun jika masih boleh digunakan, ia perlu melalui penyelenggaraan ditetapkan setiap tiga bulan," katanya.

Sebelum ini, Kongres Kesatuan Pekerja Dalam

Perkhidmatan Awam (Cuepacs) meminta kerajaan melihat semula rekod penyelenggaraan kesemua ambulans di bawah kementerian itu.

Ia susulan insiden membabitkan ambulans sehingga mengorbankan pemandu dan seorang pesakit wanita di Lebuhraya Utara Selatan di Slim River, 4 Ogos lalu.

Siasatan mendapati kejadian dipercayai berpuncak daripada tayar belakang sebelah kanan yang pecah sebelum ia hilang kawalan dan terbabas melanggar pembahagi jalan.

AKHBAR : THE STAR
MUKA SURAT : 12
RUANGAN : NATION

Lee: Medical exams for e-hailing drivers must be done properly

GOPENG: Deputy Health Minister Dr Lee Boon Chye has maintained that clinics offering medical examination for e-hailing drivers must do proper checks regardless of the set fees.

This comes amid a wrangle between the Malaysian Medical Association (MMA) and the Malaysia E-Hailing Drivers Association (Mehda) over the fees.

Dr Lee said it was important that doctors examined the drivers, checked their medical history for fits and illnesses and ensured they were fit to drive.

"As long as the doctors can do it, then our part in the ministry is done. That's our target. "If people can do it at a lower price, so be it," he said after opening the World Occupa-

tional Safety and Health Day celebration at the Rural Transformation Centre yesterday.

On Sunday, MMA urged the ministry to investigate claims that doctors were providing medical exams for e-hailing drivers at just RM20, which it deemed as "impossible".

Malaysia E-Hailing Drivers Association (Mehda) had claimed that some 135 panel clinics nationwide had agreed to a charge of RM20 per person for the medical examination.

However, the Road Transport Department (JPJ) had issued a circular to the ministry and MMA had fixed a standard rate of RM80 for the drivers to do their medical examination, which was needed for the application and renewal of the public service vehicle (PSV) licence.

AKHBAR : THE SUN

MUKA SURAT : 2

RUANGAN : NEWS WITHOUT BORDERS



A clown entertaining children during a child cancer awareness programme at the Children and Women's Hospital Kuala Lumpur yesterday. — ASYRAFRASID / THE SUN

Early detection essential to cure Leukaemia

KUALA LUMPUR: Leukaemia is one of the main forms of cancer that affects children and early diagnosis can help them recover, said Children and Women's Hospital Kuala Lumpur head of the paediatric department Dr Hishamshah Mohd Ibrahim.

He said about 700 to 1,000 children aged 19 and below have been diagnosed with the disease and about 25% of them were seeking treatment at Kuala Lumpur Hospital.

"At least 75% of them will eventually be free of the cancer," he said at the launch of the Childhood Cancer Awareness programme yesterday.

Hishamshah advised parents to be aware of the symptoms such as fever and prolonged joint pain. "They must be vigilant and take such

symptoms seriously," he said.

"Babies are not able to express how they feel. Mothers should be aware if their babies develop cat's eye, something that affects the eye. It may even be cancerous," he said.

He added childhood cancer affected all ethnic groups, socio-economic classes and geographic regions. The causes are neither linked to lifestyle nor environmental factors.

"Once a child is found to have cancer, the family must ensure they follow through with the treatment. They should not stop just because the child is feeling better. Turning to traditional medicine will not help."

He said the survival and cure rate continues to improve every year, thanks to advancements in medical research.